

愚

齋

存

稟

愚齋存彙卷第四十五目錄

電報二十二

寄成都奎樂帥

寄江督劉峴帥鄂督張香帥東撫袁慰帥

袁慰帥來電

又

又

劉峴帥來電

張香帥來電

寄西安王中堂

寄北京慶親王李中堂

寄劉峴帥

李中堂來電

張香帥來電

袁中丞來電

又

張香帥來電

寄各省將軍督撫

寄成都周玉山方伯

寄劉峴帥張香帥袁慰帥

寄北京慶親王李中堂

保定孫麟伯觀察並府縣來電

寄劉峴帥張香帥袁慰帥

東京李屋使來電

劉峴帥來電

寄保定孫麟伯觀察

張香帥致美國柔克義大臣電

寄北京李中堂

劉峴帥來電

寄李中堂

寄劉峴帥

北京慶親王來電

寄西安王中堂

寄北京慶邸李相

寄北京李中堂

張香帥來電

劉峴帥來電

寄劉峴帥張香帥袁慰帥

袁慰帥來電

劉峴帥來電

寄北京慶邸李相江鄂督帥山東撫帥

劉峴帥來電

張香帥來電

袁中丞來電

又

張香帥來電

劉峴帥來電

寄西安軍機處北京慶邸李相江鄂劉張兩帥

寄北京慶親王李中堂俄京楊大臣

西安榮中堂來電

成都奎制台來電

張香帥來電

又

榮相寄慶邸李相電

劉峴帥來電

袁慰帥來電

寄北京慶邸李相

寄西安軍機處北京慶邸李相

劉峴帥來電

又

張香帥來電

寄西安榮中堂

寄李中堂

袁中丞來電

張香帥來電

寄北京慶王爺李中堂

寄福州善星源將軍

寄西安王中堂

浙藩惲菘耘方伯來電

劉峴帥來電

又

寄江鄂兩督帥浙劉景帥惲方伯

寄劉峴帥張香帥袁慰帥

愚齋存彙卷第四十五

電報二十二

寄成都奎樂帥

光緒二十六年九月十八日

聯軍十四戕廷藩將分兵西進全權奏若不正法十一人斷難開議止兵各國以圍攻使館爲尤憤必欲殺董福祥並疑董受榮相指揮致不願接待議款前德使過滬與宣言及故請傅相奏明促相節仍回行在若在京在保均難免厄惟各國指名首禍端以外董最著今中外皆請處死董豈無所聞而仍擁兵扈蹕秦隴回部巢穴倘一旦激成事變洋兵更可藉端進勦欲弭此衅

必須設法操縱董縱拳匪殺洋官攻使館焚掠官民肇起兵端而終未與敵一戰榮相知其惡宜不諱其罪能出不意翦除之爲上策卽不能亦宜分兵罷權卽令帶所部一半赴晉防敵而密令宋馬徐圖之保 兩宮在此救榮相亦在此不然各國堅持不殺董不止勢將激變榮相必受其累矣相節二十日入陝公可否密速電商獨對時面奏較妥鈞意何如乞示

寄江督劉峴帥鄂督張香帥東撫袁慰帥

九月十八日

本日 旨令慶李阻西進此豈空言所能辦京奏前則請圈成後則全請正法又以楊使商減爲縱筆誠覺疏

閻管見董宜先調晉防保 兩宮救榮相均在此昨
已密電榮乞峴帥再電專言此事燕謀謂榮仍愛董董
本非隨扈後由保定赴晉故此層非先與榮說透終恐
無濟

袁慰帥來電

九月十八日兼致峴帥香帥

會奏稿刪改更妥有益無損香帥當必會銜人望
太奢我視太易始可諉罪於首禍終恐遺累於
朝廷早應推誠速辦斷非拖延支吾所能濟事各
國始索諸兇繼經美人調處請我自辦存我主權
今殺廷奎等已變前議西犯漸近恐欲自辦亦不

可得何論乎禁戍此實遷延之誤事榮相今可抵
潼前已迭書切言覆如同意當再寄電毓賢已赴
陝初二有人見之仍甚得意云餘續陳

又九月十八日兼致峴帥香帥

理論何能退阻仁和亦不知耶榮電已發文曰長
途勞苦馳念萬分各國請將交議九人及董毓共
十一人均正法並請回鑾不正法不肯開議停
戰不回鑾不肯定和一面分兵西犯並蹂躪直
省廷雍奎文等六人均被殺附省各邑轟焚甚慘
紫荆關已失正定又增兵邸相迭催開議阻兵置

不理情形萬緊內外束手以一服八本無勝理兵
殘械乏士氣挫喪人心渙散斷難再支和議多延
一日洋兵多進一步枝節愈出結束愈難諸謬誤
國殃民罪有應得欲存 宗社必懲諸謬欲存

諸謬必危 宗社大厦傾頽同受覆歷諸謬又
何能存利害相懸較然易曉當初若重辦數人降
旨事定回京計此時和議當已有端倪倘再遷
延洋兵西犯深入必更有難從之要求或謂磋商
可望輕減不知京陷軍覆各國合謀與平常議約
不同惟有屈意忍耐斷非口舌可爭始猶可諉罪

於諸謬久恐將貽累於 朝廷董爲各國所切齒
中堂萬勿從井以救辦諸謬正爲 兩宮計辦
董兼爲中堂計務懇預籌方略 召對時勸 上
忍氣毋顧虛面而受實害尤不可代臣下受累如
再游移延宕敵人正可步步進兵大局益不可收
拾事機危偪迫切直陳伏乞採納云

又 九月十八日

香帥立意極周密宜電邸相確議迅奏惟第五意
湊數搪塞恐無濟處置董法自以分兵罷權爲先
或令帶所部一半赴晉禦敵而密令宋馬圖之但

未知內意果肯辦否諫 旨仍令磋磨然京陷軍
覆萬國合謀與平常議約不同惟有遷就忍耐斷
非口舌可爭欲存諸兇終不可存欲存 宗社

必去諸兇權其利害自可決計應酌請邸相痛切
上陳可望回天至德日兩國電雖不能照辦亦須
委婉覆謝久置不理亦足增憤

劉峴帥來電 九月十八日兼致香帥慰帥

奏稿承香帥添改感甚祈速電示榮電已發仍請
慰帥加電總以堅忍勿戰委曲議和爲主邸相文
電楊等未復兩語一若實可商減者宜乎有堅持

力辯之 旨宋馬圖董固善然須 上果惡董方
有辦法此次大病在內間看得太易奈何

張香帥來電

九月十八日兼致岷帥慰帥

合肥前十日有電奏言楊使電稱俄願交收東三省請派綽接收故綽調黑龍江想尊處已知此次文奏又言電楊使等商減未復卻又執定十一人此礎磨就範合持力辯之 旨所由來也和局未定遼東如何能交合肥此奏自鬆自緊未解其意事急爲難老筆亦有疏漏耳

寄西安王中堂

九月十八日

全權電奏先鬆後緊責令磋磨恐延時日壞在各使在
圍中創鉅痛深必謀報復不血刃不洩憤若竟西進諸
臣亦何能自存 兩宮斷不可引爲己咎榮相將到
昨寄潼關密電云不特兵費愈久愈多更恐強我以難
行之事其毒謀必有甚於今日者大約十一人內不重
辦四五人斷不開議止兵私衷揣測當與說明端難加
刑圈禁爲止董須稍緩先解兵柄此必須從權者毓爲
禍胎何所顧惜此外王公貝勒諸臣究係何人釀禍爲
重自必難逃 聖鑒臣下擬議恐不及 君上知之深

切生殺予奪總宜保我主權欲保主權尤不宜遷延袒

護此次釀禍者不必各國挾制 祖宗律法本所當
誅倘能接續閩八月初二 明旨出其不意迅速嚴辦
並將徐桐剛毅追奪官階裕祿李秉衡撤銷卹典 中外
外曉然於天心悔禍凡縱庇拳匪諸臣絕無偏袒自可
使各國心服止兵開議 乘輿事定回京已蒙 俞允
但由軍機處寄信外人不得而知擬請將閩八月初十
日 上諭推誠布公明降 諭旨諒彼亦無詞可藉等
語此電所擬能否允行乞密示以便電京設法轉圖
寄北京慶親王李中堂 九月十九日
峴帥效電稱篠電奉 旨云云看事容易惟聯軍深入

將來 車駕益西不上隴卽入蜀愈去愈遠辦理愈難
不惟中國蹂躪不堪各外國亦不免勞師糜餉何如先
行停戰開議將懲辦首惡列條款中皇親不能加刑
朝廷可允圈禁其餘諸人切實奏請從重惟董握兵柄
須設法圖之以免鋌險應請尊處婉商各使共相體諒
各國志在通商但求迅速了事何必窮兵黷武以致兩
敗俱傷借重鼎言當可見聽楊使等有無回電伏祈示
知等語宣謹轉

寄劉峴帥

九月十九日

各領事詢長安派來長江搜括銀兩之部員俞啟元卽

湘撫之子已抵甯謁制軍宣布 上諭如剛毅故事恐礙洋債云答以俞或是催京餉委員必無搜括之事裴稅司亦來問乞示以解其惑

李中堂來電

九月十九日

胡良駒來往津德棉衣候飭運取聶功亭母眷在古北口有人照料道途梗塞難遽南歸瓦帥住儀鸞殿非呂使能商移西國元帥聞有住皇宮之例彼妄自尊大堅不接晤只得聽之昨飭高道兼護藩司望代催周浩速赴北鄂帥濟助京員已屬照辦

張香帥來電

九月十九日兼致峴帥慰帥

擬會峴帥銜電奏云在京各使身受困厄自必逞其憤怒難與辯論 朝廷若允重辦首禍擬請速卽再通發國書卑詞委婉力言真心悔過切懇各國國主速卽飭令停兵開議以復舊好較與各使言尤爲得力聞各國洋人言中國向來驕傲自處太抗待人太卑近日國書尙嫌簡略未肯極言當初諸臣辦理之咎尙非真心悔過卽非真心願和等語竊思聖人之道屈以求伸帝王之略忍乃有濟似此言語文字止屬末節果能保全 宗社

似不必吝此空文時危勢緊仰懇 聖裁迅速施行請代奏坤一之洞同啟等語尊意以爲如何祈
妥酌改定速示以便卽發

袁中丞來電

九月十九日兼致峴帥香帥

人以兩難堅請在我均不可行相持無辦法勢必
決裂可否請兩帥電商邸相如將端怡澄濂永遠
圍禁莊瀾剛英毓嚴懲趙遣戍董先革職發遣徐
圖嚴懲能否開議現在洋兵滿京勢難 回鑾如
先議訂草約各國撤兵駐津沽卽請 回鑾印押
批准能否定和倘可行卽請邸相商定迅奏再西

律謀亂罪止監禁華律懿親向不加刑兩律亦均
符各國存我自主卽應依我辦法德皇國電請辦
以應得之罪亦應處以公允以上妄擬乞裁

又九月十九日兼致峴帥香帥

香帥修稿更懇切欽佩請速發杏兄加電榮尤好
榮相面折廷爭非所長如外臣會奏善能解說贊
成此奏必有益

張香帥來電 九月十九日兼致峴帥慰帥

擬會峴帥銜致軍機處電云頃會奏力請懲辦首
禍以挽危局繼思八國乘勝要挾毫無顧忌廷雍

之事不合西法與尋常時勢大不相同欲求輕減固不可得卽旣辦首禍之後亦不敢必其不再要求竊謂允許重懲必宜從速以阻進兵而實在辦罪則可稍緩以防無鑿蓋求輕則必不允求緩或尙可行倘上意果允重辦數人似可請旨先令慶邸李相轉告各使議定十一人已全褫職聽候查辦容俟審明情節卽按其情罪重辦數人議定約辦若干人數決不食言但各國務速停兵開議萬不可堅執必須回鑾方議藉口拖延候各國照允我卽重辦數人以昭大信較爲穩妥管見

上陳敢請鈞裁詳酌坤一之洞同啟等語尊意以爲然否祈妥酌速復

寄各省將軍督撫 九月十九日除直隸一省

頃奉慶親王李中堂諫電開據總稅務司節略內稱此次和局若成中國必有賠款無論何項辦法四五十年內每年須籌出約三千萬兩各關洋稅全經抵償並劃撥七處釐金新認賠者須指他款此時亟須查明進款出款兩要端一係將各省地方釐金鹽課常稅逐細查明每年報部若干究竟能徵若干查出實數毫無含混進款已得其實二查出款各省每年辦公之費每省向

須若干其中何項可省何項必不可省究竟實需若干亦逐款查明出款亦得其實實數既得明晰絲毫不漏庶議和時較易取信若不令各國自定辦法則須中國豫籌善策等因希由貴大臣電知各省按照指查各節將進出款各項實數認真查明迅速電復敝處及戶部勿遲勿漏云所有復電請仍交敝處分轉較爲妥速

寄成都周玉山方伯

九月十九日

禍首未允重辦以致聯軍奮怒迄未開議廷藩及城守尉奎元等被殺甚慘沈梟被困頃傅相奏請公調直藩德法兵踞易州已抵紫荆關另枝赴固關毓賢蒞陝端

邸往甯夏

慈意仍未轉頃由劉張會奏痛陳利害

弟請樂帥密電榮相措置董福祥免激變公宜面勸速
行通商添設成都正在會議代公何人

寄劉峴帥張香帥袁帥

九月十九日

鄂效電請再通發國書必有益無損惟德日俄法美先
後復我國書內有要語似宜針鋒相對允其所請否則
如俄國所云空言虛語辦理如此重大之事則誤矣乞
酌定速發

寄北京慶親王李中堂

九月十九日

諫電除直隸外已轉各省向來進出各項底冊尙不敷

用每年三千萬若不通籌辦法另改章程必致坐斃且亦不足取信各國何能止其自定辦法

保定孫麟伯觀察並府縣來電

九月十九日

廷藩殮後伊妾覺羅顧佳氏於九月十七日在奎元店殉節可慘可敬廷藩臨難呼告洋人但願勿擾害我百姓我死不足惜云云當時洋兵入城三日封庫圍逼或勸出避廷藩泣語僚屬我既以禮接待聯軍而不免此困我甯委曲忍耐爲民受辱誓以身殉不忍棄城使生靈或遭荼毒而廷藩竟以此被害其死甚慘其不惜一死以救合城生靈

宜官民之同聲痛哭也敢請憲台轉請傅相據實

上聞

寄劉峴帥張香帥袁慰帥

九月二十日

呂使願電奏初五電奏計邀 聖鑒近晤德外部詢及
德主覆書是否呈覽並云德主願念邦交深盼 朝廷
回京已准瓦帥刷使與王大臣議事中國果能照德所
議辦理將來兩國交誼更固北京爲根本重地早示回
京和議可早成東南各省亦卽安靜等語臣答以只要
所議與中國體制無損 朝廷仍不改敦睦之誼言辭
閒似有盼覆之意可否再達書以酬其勸駕之情以示

我和好之忱伏乞 宸斷非臣所敢擅請謹據實瀝陳
云可見鄂擬奏請再發國書催開議必能有益但禍首
宜允查確重辦 乘輿宜允聯兵退後卽行回京乃可
合拍此奏請兩帥增改速發爲是

東京李星使來電

九月二十日

前數日屢晤加藤言近支重止圈禁無就刑理卽
趙撫匪時尙擬勦此外亦有非極重力袒匪者宜
分別重輕至董操兵柄遽予嚴懲慮滋事端均宜
酌減免中國爲難外部答日廷並無成見但各國
多主死刑立議體察情形似近支辦法到圈禁亦

可愜意惟須全權與各國切商但不戮一人斷難了結又詢馬軍足制董否鐸答馬軍赴陝不多恐難制董等語昨赴外部未晤請先轉兩帥

劉峴帥來電

九月二十日

鄂效辰電是前奏補筆預跨一步以免駁詰可謂苦心孤詣惟旣辦首禍亦不敢必其不再要求等語適令頑固者有以藉口恐他語概置不問專注重此二語則前奏又成贅文商緩亦是搪賬法此時恐辦不到如上意照此辦理外人仍不允又費無數時日西人愈深矣或電邸相酌裁自是有

益無損效電請頒國書甚善亦須由全權電奏甯
鄂會銜方合體裁卑詞之卑字究不宜用統祈香
帥裁奪如照此兩電致邸相坤當列名請由鄂逕
發

寄保定孫麟伯觀察

九月二十日

廷藩盡忠伊妾死節慘甚悼甚已代轉傅相以備將來
優卹

張香帥致美國柔克義大臣電

九月二十日

聞聯軍在保定殺直藩廷雍等六人雖洋報有廷
藩前曾縱拳之說然自七月以來確已悔過派兵

勦匪沉洋兵到保定及各縣廷藩並未率兵拒戰
且出城迎接牛酒犒師可謂以誠相待乃先未明
言欲殺又不聲明其罪請中國自辦徒令仇視洋
人者以後愈加激憤主持和議者以後難於開口
實深焦急素仰貴國和平信義欲全中國自主之
權此次與各國商允由中國自辦首禍今保定所
爲與貴國意指兩歧貴國當不以爲然但此事已
往不必深究可慮者洋兵尙在四出不知將復何
爲請貴大臣會商康大臣懇請貴國政府力勸各
國切勿再逞兵威安定人心免添枝節庶令贊成

和議者易於措詞民間不致怒恨不服則和局早
成農商早復業不勝企望祈電復

寄北京李中堂 九月二十日

孫道鍾祥電游擊范天貴前日在涑水遇洋人因言語
不通致被槍斃該游擊勦匪頗得力死實可惜昨聞傳
說固關駐有重兵德法將增兵西向萬一開仗則與和
局有礙可否飛請傅相設法挽回云謹聞

劉峴帥來電 九月二十一日

議和目前辦首禍事後籌賠款實爲至難日夜焦
愁無以爲計統查出入誠屬議款要著第各省自

行分查其中輾轉協撥套搭既非咄嗟能辦亦恐
未能絲絲入扣查前因議加洋稅曾經執事向農
部查有近三年出入總綱最爲扼要清晰照二十
三四年以入抵出歲短一千六七百萬凡報部之
款均已在內至各省外銷數屬零星皆係必不可
少之需各省留支正款爲數無多爲用甚煩若議
裁減所節有限於應辦之事無從措手各省兵勇
業於二十三年大加裁汰已極單薄此後議裁亦
祇能裁本年新添之勇然與單開之款並無出入
統核單開默察事體縱使竭澤而漁大加裁節斷

難騰此鉅款本年籌議加稅原因款絀難支今何
能款不加增轉須歲籌三千萬鉅項明知賠款必
不能免各國既願重敦睦誼必當顧全中國局面
至總稅司於中國財用支絀更屬知之有素前亦
代爲籌慮及此就中國現在情形而論非加稅斷
不能增籌賠款言出總稅司必能取信各國鄙意
應請執事將部開前三年出入總摺函寄邸相並
質以鄙見爲禱

寄李中堂 九月二十一日

香帥箇電稱善將軍來電和議久未定聞兵分支西

進保定文武被殺 行在尙有阻和之人鈞處有確音
否倭墨使室田前過閩語意詭狡似預圖厦島又畏列
國知覺筠帥許以如有變准其兵船在厦口外遊巡並
准陸兵登岸將致厦提督函稿送伊酌定僅未立約竊
意和局不定各國必不預爲之地日本此舉別國又多
一藉口矣聯效等語此舉可駭特照轉請傅相迅速設
法挽回

寄劉峴帥 九月二十二日

箇電賠款仍宜加稅老謀深算毫無枝節英德使在滬
面談及此宣謂從前加稅爲我自強以後加稅爲人作

嫁不願與聞兩使皆謂舍此則不能爲國聞之痛心做
處於度支出入頗有紀載遵將鈞電及鈔摺函寄邸相
並遞仁和但不得人提綱挈領恐不至他人越俎不止

北京慶親王來電

九月二十二日照轉川滇蘇贛
晉粵淮各督撫帥

川督奎滇督崧蘇撫松江撫景晉撫錫粵撫德漕
督松等比因兵燹京員困苦漢員經各省同鄉大
吏籌寄鉅款藉資挹注旗員別無生產凍餒堪憐
情形尤迫執事素敦鄉誼望速量力籌濟並希分
電旗籍外任藩臬關道諸君共籌鉅款一有成數
卽由匯豐趕封凍前匯京以資津貼同紉厚誼先

電復請速照轉

寄西安王中堂 九月二十二日

十二劾毓摺到否聞毓抵渭南解晉確否鈞處致慶李文電毓遣爲止董難予處分撤兵權亦不便是否叻叻之意若如是必決裂日本外部云不戮數人總不了毓賢晉昌及統率拳匪三人若照端肅辦法餘禁遣似可了或毓晉之外聽 上擇罪重者酌辦復奏二十六之件何者爲妥榮相到否乞密示

寄北京慶邸李相 九月二十二日

劾毓摺到 旨飭岑錫查抵何處看管十八毓到渭南

奉 旨解晉樞文電信似出鹿意加藤告木齋近支辦
圈禁亦可愜意但不戮一人斷難了結又詢馬軍足制
董否窺各國意辦四五人似可結毓賢晉昌可坐實餘
或請辦統率拳匪三人或并請 旨添怡濂瀆共六人
內聽 聖意擇辦二三人其餘圈遣董則革職調晉密
飭宋馬徐圖以私意電仁和接復電時已至此無不竭
力俟榮到密商頃轉箇 旨仍以宥 旨令擬處分尙
未復到著卽迅速電復以憑核辦可見江拜摺止圈遣
可不爲憑昨請劉張會奏切實烘託可否請將私擬辦
法而商各使卽奏覆或先電示做處密商榮王得復再

奏以期妥速

寄北京李中堂

九月二十三日

香帥養電議約爲難實深馳系此事似須有精明洋人兼通中外情形者爲助如中堂有思慮不及處或可贊助一二美國人最好但倉猝難尋查担文精幹多謀在華年久若許以重金令其迅速北上赴傅相處以資采訪參酌當有裨補雖英人心必爲英但謀議在彼聽否在我惟此人必須厚幣事關大計巨款不足吝也洋人請辦十一人請將姓名電示此十一人是否赫德所開

抑係各國各自開單湊成此數或係各國公同開單均

盼電示請轉

張香帥來電 九月二十三日兼致峴帥慰帥

呂使既催覆若商邸相往返又須時日恐國書已發豈能接連通書此舉有益無損不過條陳不礙全權之職正所以助全權也況邸相近奏仍力請

回鑾與此奏立說不同如何肯照辦茲代擬甯鄂會奏將原電前半增改文曰近日各國國書及各洋人言皆以懲首禍請 回鑾兩事並舉在京各國公使身受困厄者自必逞其憤怒要求無鑿必待 回鑾方肯停兵開議擬請 朝廷以全權

擬奏到後議定重辦首禍卽速再通發國書力言
真心悔過將首禍重懲謙遜委婉切懇各國國主
速卽飭令停兵開議以復舊好較與各使言尤爲
得力惟必重懲首禍方足爲真心悔過之據若無
實據則僅以空言通書亦恐無益然必設法令其
本國國主意氣稍平自行鬆勁庶可望其續發訓
條告知各使方不致堅持 回鑾爲挾制以下聞
各國洋人言中國向來驕傲云云至請代奏某某
同啟皆照原稿語氣似並不鬆仍是以緩 回鑾
一節催重懲也如有應改處請峴帥改如峴帥不

願洞當單銜發請速復鄂由鄂發

劉峴帥來電

九月二十三日兼致香帥慰帥

鄂禡電改本甚善坤當列銜日來西安電報未提
保定一字或尙未知深慮激怒有變擬於卽非真
心願和等語句下加保定戕害廷雍不合公法然
戰勝之後何所不至豈復有情理可喻二十六字
下接竊思聖人之道云云請香帥裁酌逕發不必
再商

寄劉峴帥張香帥袁慰帥

九月二十三日

鄂禡電謹悉事已揭曉恐尙不滿各國意能再發國書

誠有益無損但措詞請按養 旨酌改爲妥

袁慰帥來電

九月二十四日兼致峴帥香帥

滬漾各電悉案定揭曉此時再無辦法姑看邸相如何復奏再復國書必不可少但兩帥會奏命意似須酌改催辦禍首一意自可刪然又不可謂案定即可了事想兩帥已有斟酌

劉峴帥來電

九月二十四日兼致香帥慰帥

近日各處電報似非不戮一人所能了事毓僅發遣董不辦趙仍在政府外人如何肯允恐生枝節前擬會奏請發國書已發否若未發香帥照養

旨酌改速發爲禱

寄北京慶邸李相江鄂督帥山東撫帥九月二十四日
俄楊使效電霰悉懲罪事關 國體所宜力爭前曾與
外部辯論謂昔拏坡倫陵侮與國荼毒生靈僅幽荒島
近刺意王奧后重犯僅禁黑獄中國罪臣按西律無處
死理彼稱諸臣傷害多人死不足惜各使熟諳華情必
酌擬曲當等語夫殺戮大臣端自我開以我之法治我
之人要索固甚有詞昨據慶李來電今遵峴香兩帥意
旨電商外部並告以現擬罪名已係從重勸其曲諒然
恐已授權駐使折衷公議遙制匪易得復再聞乞轉云

劉峴帥來電 九月二十四日兼致香帥慰帥

鄂濠濟敬電悉請發國書電奏如未發香帥想酌
改董權重難圖樞電已明言若調令赴他處恐不
受命此大可憂尙有妥善之策否幸示

張香帥來電 九月二十四日兼致峴帥慰帥

陝探電董在西安統二十五營分紮臨渭二華內
回兵五營等語馬丁均留晉程赴彰衛懷鄧增回
固原專留董在肘腋一若董自安排者其中必有
故此事十分可駭百思不解又陝電廷事已聞無
激意日來消息甚惡山海關本係八國旗現已專

插俄旗西摩將入江來見以後難料養 旨尙未

見急悶

袁中丞來電

九月二十四日兼致峴帥香帥

甯敬電悉圖之策易設圖之請難允前次會言聞
不爲然自必另有深意大局之憂或有出人意外
者惟有請邸相切復樞廷相機設法現似無從爲
力各提督入江必有合謀然數省詎能敵各國似
宜據實奏聞亦可加勁

又 九月二十四日兼致峴帥香帥

甯鄂敬電悉此次辦法似本諸本齋號電誤事非

淺現又山窮水盡惟盼邸相痛切覆奏縱能加重
必延時日事機不順何至於此可否請兩帥電請
邸相切實直陳毋顧忌依違杏兄能否密電傅相
約邸自請罷斥另派親賢或可加勁請酌

張香帥來電

九月二十四日兼致峴帥慰帥

養 旨已見會奏不對題恐國書亦無益致邸相
電已改好更用不著以後恐專逼 回鑾矣

劉峴帥來電

九月二十四日兼致香帥慰帥

美袖手英德法各提督相繼入江甚可慮懲辦既
難副外人之望能致國書亦略平憤仍請香帥酌

改電發救一分是一分

寄西安軍機處北京慶邸李相江鄂劉張兩帥

九月二十四日

美伍使漾電迭商美廷據復 中朝降旨懲治禍首只望確實懲辦俾足蔽辜美旣撤隊別國逞兵難勸阻恐散大局乞轉云

寄北京慶親王李中堂俄京楊大臣

九月二十四日

頃接軍機處二十三日交電本日奉有致德國國書一道希貴京卿迅電出使德國大臣呂海寰呈遞並一面電知慶親王李鴻章爲要爲此知會國書文云大清國大皇帝問大德國大皇帝好前接覆書不加切責具

見大皇帝篤念邦交曷勝紉佩朕馭下無方以致貴國使臣無端遇害至今猶深惋惜理宜將肇禍諸臣加重分別嚴懲以申國法而洩公憤頃接呂海寰電奏知大皇帝已准貴國瓦帥刷使與中國王大臣議事自當飭令在事諸臣持平商辦以期早日定局和輯如初來書勸朕回京尤徵雅意殷拳一俟和議有成卽當定期返旆至各國傳教載在條約此後朕當嚴飭封疆大吏格外加意保護以期永泯爭端用特再布腹心惟希大皇帝鑒察不勝盼禱之至除寄楊使轉呂使外宣懷謹轉

西安榮中堂來電

九月二十四日

時事危迫至此已往不足復論各國聯兵入都驅除拳匪安輯居民 宗社磐安百官無恙 朝

廷感佩一意言和試觀聯軍赴保而我牛酒郊迎代除館舍中國之銷兵悔禍列邦當共鑒此心來電謂首禍十一人必戮三數人而後開議以彼狂愚召亂至於 二聖蒙塵衣冠塗炭此曹誠何足惜惟事須 宸斷非臣下所敢質言鄙人亦知和議一日不成天下一日不定昨抵秦後恭謁

行在反復開陳 兩宮英明立頒 嚴詔各罪人俱加重譴其次亦分別降革有差 朝廷舍已

就人列邦似可止兵釋忿足下詳情洞悉受國
厚恩當諒朝廷之苦衷急君父之危難晤各領
事時亦宜曲陳利害務釋猜嫌前者使館顛危中
國已經引咎及聯軍入保我無一矢相遺而藩司
以下文武被戕者六人以暴易暴已足相抵而我
又不護親貴或永遠圈禁或遣戍極邊若猶不肯
言和固屬中國之憂亦豈列邦之利越海駐兵勞
師糜餉不利一和局不定商務不興不利二逼人
太甚朝廷誠不肯失和而愚民悍黨尙多鋌而
走險獸困猶鬪我不能制彼不勝防不利三何如

及早議和留中國自主之權保列邦無窮之利環
球輯睦永固邦交足下聰明其善達此意

成都奎制台來電

九月二十四日

首禍諸人各國欲置重典事已極難且董擁眾隨
扈尤慮激生他變盡謀兩策洵屬救急良圖第一
策今昔異勢恐做不到至第二策亦須審慎密圖
方無肘腋之患前經香帥密陳不知 慈意若

何尊電卽轉榮相諒必剴切陳奏榮相當拳匪事
起屢請保全使館其力顧大局苦心調護當爲各
使所共知彼時端剛如此試問董軍能復專聽節

制否同列因此相仇而各使亦卒賴無恙今乃見
疑彼族大抵漢奸播弄公自力爲分解想邸相皆
知其情亦必與各使爲其一辯也全權擬罪未蒙
照允殊切杞憂鄙見 上未回鑾宜速先罪禍首
董則一時未便宣露或先密奏將國家爲難情形
由全權婉達各國請以事定後請 旨懲處並另
託一二願和之國居間排解或者可望轉機惟內
中始末細情外聞猶未深悉想邸相在京見聞較
確必能相機商酌姑質所見公以爲何如

張香帥來電

九月二十四日兼致峴帥慰帥

陝要電榮到請誅一董未允其餘可想等語近事
多不可解禁端必是榮力何以反不能誅毓並不
能黜趙一也二十一日催邸相速擬電復何以二
十二不候復奏卽揭曉二也卽使畏董任重何妨
多留衛兵今外軍分防晉豫陝軍盡遣回防獨留
一董若惟恐有他軍則董有顧忌者護董而不自
護不解三也此時欲盼一線轉機只有開悟榮相
一法勝於懇求外部請覘帥慰帥再飛電榮相懇
其電復數語略得端倪方有思路定興嘉州倣處
已屬電發揮盡致究難得真際若必西追兵難戰

險難恃無槍礮斷接濟等語昨奏已說盡再奏無益反延時日祈速酌復餘詳次電

又九月二十四日兼致峴帥慰帥

大局險極辦法窘極此時惟有請邸相迅速切直電奏如邸不允請相單銜江鄂一面電樞或電榮瀝陳英添兵美日袖手三國提督入江敵輪逾百艘舊式台礮不能拒在北陸兵逾十萬晉豫兵不能敵數層說透不能顧門面昨會奏雖已說過文煩未必細看此奏削膚存液或較醒目請樞相機開陳俟邸相復到後趕緊補救總之今日大病在

最淺一事實由文武大小臣工將領罕有知槍礮
爲何事者卽董福祥亦不知也以爲人多卽能戰
地險卽能守不知戰守皆憑槍礮非徒手勇夫也
又不知藥彈有減無增藥彈用盡則有槍礮與無
同也鄙人體驗數年深知主戰諸人受病之根實
在於此近見端午橋請防晉豫摺中有安設礮位
一語不知土礮止鐵彈一枚擊遠半里不能算礮
也又不知敵船上礮能擊陸軍陸槍行礮不能打
一寸銅板之船也以爲中國人多不知人多非兵
多且今日各省雜湊之勇亦並不多也奏內不便

瑣瀆電樞似可詳言以上各語如要人肯看完想
過自無主戰之說卓見以爲然否再德書已復措
詞漸懇切至他國通書擬俟一二日外人有語氣
傅相有復電或樞有復電再加切題語請速發較
得力免空文惹外人厭如兩日無他信亦卽電奏
卽改擬奉商再由滬電京由京電滬究竟須幾日
此層甚緊要務望杏翁速示

榮相寄慶邸李相電

九月二十五日

弟二十日抵行在二十二日婉切上陳幸賴

兩宮聖明嚴綸立降雖未誅戮一人而被禁被

遺者永無赦期與死何異似可平友邦之憤懣啟
款議之端倪然臣力亦竭矣平情而論 兩宮

爲天下忍辱亦云至矣況 乘輿播遷京畿塗炭

聖容憔悴以淚代盥惟望執事持悔禍懲凶之

詔亟與議款止兵得早一日開議 兩宮早

一日獲安社稷蒼生早一日蒙福切盼切盼至於

回鑾一節款議一定車駕立旋如其未定而自

入虎穴資其挾制不惟 兩宮不肯出卽臣下

亦何忍言董事詳函不贅

劉峴帥來電 九月二十五日兼致香帥慰帥

內閣以養 旨足謝外人戕廷藩足抵害德使果
能卽允開議詎不甚善第恐不能耳慰帥所論極
是坤今晨電邸相亦是此意請姑與各領一談探
其意指據以電復或亦有小益

袁慰帥來電

九月二十五日兼致峴帥香帥

大獄甫定外吏固不便言輕亦不可預露此意懲
禍一節姑不必向 行在再說惟先專力促邸相
痛切覆奏俟覆到知各國必不允外吏方可進言
或逕奏或電樞開陳始有濟宮保京電極緊切如
香帥加電更好昨已電陝探詢內意然預揣亦不

過爲難二字至長江危急寡不敵眾各情形不妨
約沿江各省瀝陳冀可聳聽末請飭邸相速議款
亦可兩面加勁未知有當尊意否

寄北京慶邸李相 九月二十五日

峴帥有電懲辦禍首已奉 明旨此次肇衅始末外吏
或未能盡知分別重輕 朝廷必權衡至當惟各國積
恨已深尙恐未能滿意毓妄殺教士教民中律亦應嚴
辦剛主縱匪身後亦應褫職瀾英趙旣謀國不臧何止
降調革留董卽緩圖亦須籌定切實辦法未知各使於
意云何若不再要索卽允開議甚善倘嫌太輕務請切

實據陳事機萬緊無所用其忌諱如再拖延各國必變
宗旨西北固危東南亦難保焦急萬分祈電復宣轉

寄西安軍機處北京慶邸李相九月二十六日

英羅使有電英義國書二道請轉行在軍機處代奏

並慶邸傅相文云大英國大君主五印度太后帝謹復
書大清國大皇帝陛下六月初七閏八月二十一兩

日國電業經貴國使臣齋到聞貴國變起非常不勝悵
感山西誘殺教士英國臣民被害甚多餘心尤爲傷戚
現查該省尙有歐洲教士以及婦孺若干名口存亡莫
卜惟望陛下嚴懲禍首無論班爵之崇卑防患將來

毋令覆轍之再蹈身產受害者量子賠補地方被擾者速使肅清此卽英廷用意之所在也現和議已開尙冀議成之後不但睦誼重敦而且後此外國臣民僑居中
國者其身產永享昇平之福余實有厚望焉維多理雅
御押九月十九日溫則行宮發大義國大君主問大清
國 大皇帝好承寄國電令各國速定和議敝國具有
同心中義兩國睦誼素敦迄今敝國願與貴國和好之
心依然無間惟貴國此次變出非常罪魁宜加重懲外
國臣民被害者賠補旣往未害者防患將來各國現擬
將條款開送貴國政府凡各國所允敝國無不樂從俾

和局早成曷勝厚望等因祈轉電復除代奏外宣懷謹
轉

劉峴帥來電

九月二十六日兼致香帥浙撫浙藩

鄂有成電悉洋兵入浙雖未必確不可不慮總以
自了爲是請景帥照鄂電速辦以保東南大局一
面請杏翁密訪如果有派兵入浙意當再會鄂公
電二十一接英領文衢案凶犯迄未見獲顯見不
欲照辦請勸浙撫從速嚴辦另單並請將團紳鄭
連生永禧父子提督之子羅姓喻鎮鮑道洪守駢
誅等語當答以事起倉猝非意料所及浙撫聞信

卽派隊往勦方不致蔓延於東南保護章程實係認真辦理所屬文武如有縱匪無不切實查辦惟當時匪擾人心驚惶道路傳言未可憑信現咨浙確查核辦貴領必能和商辦理云云並咨景帥矣

又

九月二十六日兼致香帥慰帥

鄂兩敬濟有電悉榮愛董實不可解敝處致兩電均未復豈密碼遺失耶已電詢俟得復當再致電說明董係榮用倘有變天下後世不能諒宜速圖之盡吾忠告而已人多地險不足恃前已詳奏此時只能電樞不可再奏請香帥酌辦至請頌國書

候邸相或樞府復電再辦極是日內邸相如有電
奏請杏翁速示濟有電末段或候與各提督晤面
或卽敘入致樞電內統祈香帥卓裁

張香帥來電 九月二十六日並致江督浙撫浙藩

洋人紛傳各國以衢案久未辦結將派兵入浙勦
匪實於大局有礙似宜速自派大員帶重兵赴衢
認真嚴辦以免藉口無論如何總勝洋兵入浙務
祈詳酌並將現在情形示慰衢被害教士係英美
兩國人倘聯軍果有此舉江鄂似可會電上海英
美總領事告以我自派兵嚴辦勸其切勿壞東南

之約如峴帥謂然請卽挈銜電杏翁轉勸領事爲
禱盼示復傳言滬領事有照會與峴帥不知有無
其事如確峴帥如何答復並示

寄西安榮中堂

九月二十六日

中堂一到 嚴詔卽頒中外仰望並將電中大意切告
各國領事皆謂議和之權悉歸駐使此次各使因被圍
攻創鉅痛深莫不哀告彼國歸咎禍首必欲刑戮而後
已復經切實開導姑允轉電勸解但據面稱懿親有罪
外國亦有減等者何以非親貴而罪重罰輕且有漏網
何以徐立許袁聯五大臣止因勸和而受重戮今諸王

大臣縱匪開衅使 車駕蒙塵喪師辱國血流成河傷
亡無算元明以來官府積蓄寶藏及官民所失貨財數
萬萬又將來賠償兵費數萬萬流毒百年而不戮一人
令人難解云云詰以廷藩等六人無端被害是屬無理
何以不歸我自辦據稱只辦廷奎王三人因教士控其
縱匪殺教若請自辦又必不允故瓦帥殺以示威此不
在首禍之內云云蓋領事無議事權其所言皆聞諸外
部使臣故亦不浮泛頃和國克使來辭行赴京託其向
各使婉勸開議據云雖不滿意亦可見 朝廷真心願
和聞各國已會議十一條所言與李木使電相符又云

德兵到在後京津一無所得又無仗打故無可洩憤幸有國書德王氣稍平等語國書已發各國已知之英義復書已到如一律再致英俄美日義國書催其開議而於來書語意各有所答必大有益乞鈞裁

寄李中堂 九月二十六日

木齋宥電外部言駐京各使會議除法國擬議六條懲首禍償款限制購軍火撤大沽等礮台留兵保使館京沽沿路酌駐兵大半議定外尚有改覲見儀注總署設大臣一員內地通商停考試聘用外國顧問官等款尙未議定要挾雖重尙無損中國自主之權惟各國均懷

私見每議一次索款日增日廷現極力調停務在減少
條款期於可行將來開議一經交出條款務請轉奏

兩宮求於不能忍之中委曲遷就迅飭定議早成和
局如遷延時日台從一解各國必分索土地日本亦難
爲力等語屬電陳乞鈞奪云

袁中丞來電

九月二十七日兼致峴帥香帥

遣專使赴德慰謝本當自我先施且德曾遣亨利
來我派親王往亦合禮此不宜緩俟邸相奏報請
兩帥電樞促早派定國書詞須婉切並由兩帥預
備譯隨各員及古玩禮物聞肅尚賢未知能派往

否

張香帥來電

九月二十七日並致岷帥浙撫浙藩

洋兵將入浙乃鄙人二十五日親聞一緊要洋人
言該洋人囑勿言是渠說故渾言洋人紛傳蓋洋
報亦有也若不早了彼必藉端擾壞東南之局此
事非空言所能搪抵必須認真拏辦聞衢州事甚
棘手然專派大員帶兵前往似不可少至於到彼
辦法自可飭令斟酌妥辦蓋我派兵正所以杜彼
派兵也管見妄陳請景帥裁酌

寄北京慶王爺李中堂

九月二十七日

峴帥感電昨德總領偕水師提督來甯首詢餉械運陝
並慮接濟董軍答以 兩宮駐蹕官員兵勇雲集各
省自應運濟並非濟董次問北事如何了結答以親王
永遠囹禁無可再加彼最恨毓董答以毓已遠戍苦差
永不赦惟未辦死罪將來易辦第董握重兵近在肘腋
難急圖彼亦謂然仍問切實辦法答以惟有各國速開
議撤聯軍肅清宮禁迎 駕回鑾留董駐陝無可挾持
方易制該領等欣然許卽電公使外部今已開船回滬
請杏翁轉耶相云

寄福州善星源將軍 九月二十七日

兩邸永遠圈禁可交卷毓極邊辦自易卓不問而統二
十五營居肘腋帥致榮相兩電不復或謂仍愛卓已
請樂帥密勸

寄西安王中堂 九月二十八日

復榮相宥電諒邀同覽頃德英領事密談聯軍可不向
西但毓遺董漏趙留恐不愜

浙藩惓菘耘方伯來電 九月二十九日

賴公大力可以緩來藉得從容辦案公眞再造浙
中矣惟鮑道祖齡聞信脫逃赴滬此人爲領事所
注意關係全案全局除撫帥已電滬道查拏外請

公知照三公司輪船實力查察幫同緝獲幸甚感甚

劉峴帥來電 九月二十九日兼致香帥浙撫浙藩

杭勘儉電悉請杏翁商霍從容和商以保東南大局坤與景帥同深感禱英提將偕霍領赴鄂亦祈香帥於接晤時切實一言浙於此案勦匪捕兇斷不稍遺餘力鎮道已撤革足蔽其辜勢難駢誅保護章已將半年似不值因一隅而礙全局

又 九月二十九日兼致香帥浙撫浙藩

滬勘電悉此事賴杏翁磋磨得稍鬆勁感佩英領

語語相偪與廷雍相似隱寓派兵入浙之意尤爲
可慮祈景帥迅速嚴辦匪犯並嚴參鮑道以免翻
異至要

寄江鄂兩督帥浙劉景帥暉方伯

九月二十九日

頃晤霍領事據云此次敗衅凡督撫真心保護之地洋
教士俱無傷亡浙江近在甬埠不應戕殺教士嚮案被
殺英七人美二人確有名姓此外過路者有無傷損尙
未可知此必有人指使我政府恐不答應宣將景帥寢
電逐層解說答以土匪滋事猝不及防撫台當時調兵
剿匪撤換鎮道實已不遺餘力我始終與聞其事故知

其詳霍又云其時道台有兵在手任聽團練戕殺教士
與廷雍相似答以有何憑據霍云逃回教士所說答以
和局將定撫卹應歸大案我必請撫台再查拏人犯嚴
辦霍云重辦真犯並嚴處道台乃可辯論一時之久已
允稍假時日如能迅速嚴辦似可不致翻臉宣二十九
赴江陰鄉間葬弟初四回滬如派委員務先與宣晤商
方可往見領事切勿送給照會轉生枝節

寄劉峴帥張香帥袁慰帥

九月三十日

邸相豔電致榮相云有電詳悉勘兩電奏當寓日均係
實情執事雖已竭力仍望披瀝懇陳所稱被禁被遣永

無赦期與死何異彼族多疑謂難憑信昨德使晤談上年將李秉衡降調永不敘用旋即起用今且優卹告以端莊等 朝廷爲難實辦不到死罪彼謂將來只可自辦又英俄法美使照會董於近日禍事最爲首要應卽行逐退且疑執事始終袒護昨擬另立專條殊無把握總之各國政府旣授權於該使合力謀我和議難成且慮別生枝節事勢危急務望諸公慎重圖之力回 天聽以維大局爲幸云乞秘密